

S. 563(39) 0-16

AM/7/27

5 K32/27

S. No 04

1/4

Breaking of betrothals

1

16

Peletso fa e sengwa.

Mpoka mosadi wa ba-Tsiane mmina phuti ngwana wa Motshusi Tsiane ya agileng ga Dintshi o kile a bo a beleditswe ke Thipe monna wa Matsila mmina kwena ya agileng Mo+habatse. Mmaditsela wa mosimane Thipe e ne le Lebakeng Matsila rangwanagwe ya agileng ga Rafeisi mabapi la ga gabo mosetsana Mpoka. Lebakeng ke yena ya ileng a batlela Thipe Mpoka. Lebakeng a ba a tloga a ya go Moreki rragwe Thipe Motlhabatse a tswela a thibela kgomo tse nne tsa mahadi a di isa ga Tsiane. A boya a lata ya botlhano kgomo thipa ya tsona. Kgomo tsotlhe tse neng di tswetse Mpoka di ne di le tshelela fa di kopana le ya patlo. E rile fa Lebakeng a batla Mpoka lapeng la Motshusi Tsiane ba-Tsiane ba begela Jono Tsiane rangwana tsona ko Lebotlwane. Jono a araba ba-Tsiane a re, "Mosimane Thipe o kile a inkantshetsa fa a nna go nna Lebotlwane o tshwanela go ntuela fa a ne a sa itse ga ke tla baa ratswalae". E rile Lebakeng a romilwe ke ba-Matsila go kopa nyalo ya ngwetsi Motshusi a fitlha a re, ke re kgomo gape Thipe o rogile Jono Tsiane ko Lebotlwane, o tshwanetse pele a duela lethapa le. Lebakeng monna wa mmina kwena a re ke boile a fitlha a batla kgomo a e isa ga Tsiane, ba-Tsiane ba itumela.

Ka nako e nngwe Lebakeng mmaditsela a ya gape ga Motshusi a fitlha a re, "Ge ntse e le nna wa maloba le maabane, ke batla mosadi ke rata go nyala". Ba-Tsiane ba re wona Lebakeng tsamaya o ro lefa pele tshenyo ya Thipe ga Mooki. E le gore Thipe Matsila o kile a bolela le mosetsana wa Mooki monna wa Letebele la Laka a ba a mo naya ngwana koo a se ke a mo duela tshenyo. Ke gona Lebakeng a tla boela marago a fitlha a ntsha kgomo e namagadi a e isa ga Mooki go duella tshenyo ya Thipe. Ba-Monyeki ba itumela ba raya Lebakeng ba re janong mo go bona o feditse a ka tsamaya a ya ga Tsiane mosadi ke wa gagwe Thipe a ka mo nyala. Lebakeng a name a boye a rwale ditlhako a lebe ga Motshusi a fitlhe a begele ba-Tsiane gore janong go phethilwe molato wa mokgonyana Thipe. Ba-Tsiane ba itumela

ba re janong taba di tla irega pila.

3 Ka nako ye Thipe a ratang go gofosa ke fa a le Tshwane ko Sekgoweng. Janong Thipe a ngolla rangwanagwe a re, Tsamaya o ye ga Tsiane o nkopele Mpoka mosadi wame gore a tle kwano Tshwane re tlo sega ditswalo tsa monyanya wa lenyalo. Lebakeng a tloga a ya ga Tsiane a ba begela gore mokgonyana o batla mosetsana gore a tle Tshwane go ya seisa tsa lenyalo; e bile Thipe mokgonyana o laetse gore Mpoka a tle le mmamogologwe. Ba-Tsiane ba di latlha kwa ba re ga se molao wa bona ba-Tsiane, mosimane yena a fologe a tlo golelwa ka koloi ya ka ba botlhe. Lebakeng a boela gae a fitlha a itsisa Thipe dikgang ka lekwalo a ba a kopa Thipe gore a theoge. Ke fa Thipe a re go utlwa jalo a tle ga Lebakeng mo gae. Lebakeng a tloge a ya ga Tsiane a re, "Janong mosimane o tlile ke batla nyalo mpheng mosadi". E rile fa Motshusi rragwe mosetsana a bula molomo a re, "Ke sa ntsane ke ruta ngwanake sekgoma same ga se se fele." A bile a phaphatha kgetse ka seatla. Lebakeng a di soke-soke taba tse a be a boele gae a fitlhe a phare di lesogana. Lesogana le boele Tshwane gape. Ka morago ga nako Mma-Sofia mohatsa Lebakeng a ye ga Tsiane a re, "Re feng mosadi re reta go nyala". Ba-Tsiane ba name ba re janong mosadi ke wa lona le ka nyala, mma-Sofia a k fitlhe a begele Lebakeng. Bale ba-Tsiane ga gabo mosetsana ba name ba inele mabele a nyalo, ba yo reka maupe a Sekgowa e be letlhanatlhana ga gabo Mpoka. Lebakeng janong a name a ngolle mosimane Thipe a re taba di lokile tlaya janong o tseye mosadi wa gago. Thipe e re fa a araba Lebakeng mmaditsela wa gagwe a re, "Nna ga ke kolobe ke okwang ka moroko wena bolella Mpoka gore ka nna Thipe le yena lerato le thubegile." Ke ne ke ratile Mpoka janong ke lapile ka puo tsa bona. Lebakeng a mo arabe ka lekwalo a re, "Monna o se ke wa bolela jalo taba di lokile" Thipe mosimane wa Matsila a se ka a tlhola a araba mmaditsela.

4

E re taba ntse di le jalo Thipe ka nama a kwalle Motshusi ratswalae a re, "Ka ga nna Thipe moleta-ngwedi ke moleta-lefifi, wena batlela Mpoka monna yo o mox ratang". Ke fa Motshusi a tsaya lekwalo leo a wela ga Matsila, ba-Matsila ba re, "Ga re itse le rona

gore Thipe o tsenwe ke eng." Taba tsa senyega fa. Mabele a neng ba-Tsiane ba a inetse gore ke a lenyalo ya nama ba ira molaletsa wa go sega bojang ka wona. Ke fa ba-Tsiane ba tla busa dikgomo tsa mahadi a Mpoka ya neng a beleditswe ke Thipe monna wa kwa ga Matsila ga Mfatlha. Thipe jaana a name a yo tsaya mosadi Borolong.

Mpoka a name a ye le naga le yena a ye Sekgoweng ko Sebetiela. E rile a boya koo o bo a rwele mpa ya monna wa Matsiu yo a seng a monya e. Le ka jeno Mpoka ga a utlwane le batswadi ba gagwe a re ba tlhogo di thata.

5 E ne e rile Thipe mokgonyana wa Motshusi Tsiane a sa le Tshwane tirong Motshusi a mo kopa gore a mo rekele seila ya koloi gore e tla re a gumane tshetele a busa ya mokgonyana. Thipe mosimane wa Matsila a ira jalo a rekela ratswalagwe seila ya ponto tse tharo a ba a e romela ga Dintshi go Motshusi. Janong e rile fa peeletso ya Mpoka le Thipe e senyega Motshusi a rekisa kgomo a duela molato wa gagwe wa seila go Thipe. E rile fa ba-Tsiane ba re ba busa le ditsale tse pedi tse Thipe a neng a di reketse Mpoka Thipe a gana a re fa e le ditsale tsona di ka leswa ka gore o di file Mpoka ka ntlha lerato. Fa go paka mmaditsela wa Thipe Lebakeng a re Mpoka ga Tsiane o mmatletse Thipe ngwaga ba-Tsiane ba ntse ba ba baya ka fa le ka fa ba ba efa efisa. Thipe ke ngwana wa Tsiane kgaitisadi ya Motshusi e nyetsweng ga Matsila ke Moreki kgosana ya Matsila.

Kgwatlhe Matsila mmuna kwena a beeletsa Johana Mafoko mmuna phu+1 ya agileng (Rooiberg) fela ka ntlha ya go lwa ga Kgwatlhe le Johana ka metlha mosetsana a tlhala, ke fa ba-Mafoko mo Modubyanane ba tla busa ponto ya patlo le ditsale ya mmatswale. Mosimane yo o ne a sa rate gore Johana a ka tsaya kgang fela le monna mongwe.

6 Tshoko mosimane wa Mothallane ya neng a agile Dilokwaneng o kile a bo a beleditse Seipupi mosetsana wa Nawa ka ponto, ba gabo mosimane ba ba ba ba tla go bega dikgomo tse tharo ga Nawa. Ba-Nawa ba bolella ba Mothallane gore fa ba tlisa dikgomo tseo di

6 cont

tle di le nne. Go tloga nako yeo Seipupi a ba mmeetswa wa Tsheko ka ntwaga tse ntsi. Go ntse go ntse jalo ka tsatsi le lengwe Tsheko a fapana le Seipupi, mme Tsheko a kgalemelwa ka ponto tse pedi. Ga feta nakwana Tsheko a ya go tsena bosole Tshwane, mme a re melwa Gauteng, Seipupi a re go bona jalo a tloga a ya Tshwane Makgoweng. Fa a ntse a le Tshwane Tsheko a re ke tla go mo etela, fa la Seipupi le bo-Mmaisaka ba mo nosa bojalwa, e rile fale a tagilwe ba mo dika basadi ba mmetsa, ba napa ba mo timella motseng wa Tshwane le ka jeno. Go thwe ba ne ba mo sekisa dithupa tse a kileng a di betsa Seipupi kwa Msimeng ya (Rooiberg). Ba-Nawa bo-Ramabele bona ba nna ba ntse ba emetse mahadi kgomo tse nne, ba bona lekwalo le tsena le tswa go Seipupi le re, "Nna ga ke na taba le Tsheko" Batswadi ba itshwara melomo fela ba didimala, ya nama ya ba tihalano ya Tsheko le Seipupi, Seipupi a nama a fofa le yo mongwe monna. Ba gabo Tsheko ba se ka ba tihwa ba batla patlo ya ponto, pealetso ya Tsheko go Seipupi ya fela jaana.

END. S. 563

RM/